



國家清史編纂委員會·文獻叢刊

六編

清代稿鈔本

第二五二冊

國家清史編纂委員會·文獻叢刊

六編

清代稿鈔本

第二五二冊

廣東省立中山圖書館
中山大學圖書館

編

主編 桑兵
副主編 李昭醇 程煥文 劉洪輝

SPM

南方出版傳媒
廣東人民出版社

·廣州·

第二五二册目錄

詳稿彙抄

.....

詳稿彙抄

不分卷

香渠 輯

鈔本

詳稿彙抄目錄

犯姦



香渠手錄

刑部審正山西榆次縣同思虎強姦釀命官吏賄囑舞樂一案

張洪姦姦商同李本淵將熊景山勒死棄屍不失一案通報招解

縱姦本夫商謀殺死姦夫一案縣看

強姦總麻服弟之妻不從立時殺死并申請旌表部覆

上諭加重斬梟并
入例冊

王受昌與老陳張氏通姦同謀搭死氏子陳阿寶一案部覆并刪改例文

姦夫自殺親夫姦婦在監自縊部覆

誘拐

僧道洪用葯迷拐幼孩圖財鷄姦一案通報部看

姦夫誘拐姦婦脫逃拏獲姦婦先行擬結一案縣看

強盜

移營獲勘被盜處所分別內外洋以定恭緝札

拿獲盜犯朱豹即解歸通州審辦由通報

拿獲江湖劫掠盜犯雷擬奏摺

竊盜

事主陸肅家被失一案查訊飭緝由

事主朱貴具報被失估贓逾貫一案勘訊通報由

事主朱德具報被竊拒捕勘訊通報由

事主丁載揚以竊報盜獲賊李賓科等認竊一案訊擬由

經核盜案二起

事主杜朝陽被竊失跌一案勘訊由

賊犯夥竊五十兩以上并夥犯三犯一案縣看

賊犯萬阿沅護夥拒捕戕死事主高汝得案通報招解

竊匪謀殺草捕二命續獲從犯在逃年久擬絞立決縣看

竊盜再犯拒傷事主一案訊擬由

事主^{隣佑}黑夜被傷賊犯朱德秀身死一案通報招解并声請留養

事主毆傷拒捕賊犯金先解縣路斃一案驗訊由

照律勿論

賊匪仇殺事主家工人通詳緝亮由并声請毋庸開泰疎防

倪三桂燒傷賊犯張祥淋身死一案通報招解附詳

謝咸觀扶轡放火被顧朋登時推入火內燒傷身死一案訊擬由

附

徒犯毆死徒犯因犯供翻異詳請會審招解由

首犯脫逃從犯擬罪監禁贖訊原例



議詳入籍案司看

自入籍任所地方例應查明籍貫在案無家祿度年可以依歸仰其自
務守籍地方官印結詳送辦理并將族內何族自及年月日期叙入詳由

核本司覆查丹徒縣廩生張以懷具稟童生喬國英籍貫不清一案緣童生喬國英于乾隆五十五年赴府考試有廩生柳月以喬國英籍貫未清面稟該府馬守飭縣確查嗣據該縣張振剛移學查明喬國英之祖本籍上元縣于前明崇正年間遷移丹徒已歷六世徒邑現有田廬坟墓粮單印串可憑喬國英之父喬居體于乾隆二十四年由丹徒籍貫報從元品職銜給有部照又其伯祖附生喬琳亦由丹徒籍貫于雍正八年奉前院張歲試入學宗譜碑碣確有可據喬國英在徒考試于例相符經該府照例錄送院試在案嗣于乾隆五十六年該府考試復據廩生張以懷以喬國英既有原籍恐有跨考之弊援例稟請該府飭查確寔再行收考又經該府飭縣會同^學查明喬國英之祖寔于前明遷居丹徒已經百有餘年後邑現有田房廬墓移查原籍上元縣並無親族坟墓喬國英亦無跨考之事核與入籍考試之例相符取具切結

由鎮江府核議轉詳奉

學憲批司核明詳報等因本司覆查例載此例已刪入籍二十年以上者方准應試其或寄籍地

方雖有田產而實有原籍可歸者仍令撥回原籍不得聽其兩處政考如查明實係

無籍可歸者申請立案若有冒攻妄冒籍聚眾橫擊者按律治罪等因今童生喬國

英雖係原籍上元縣但于前明崇正年間即以遷居丹徒今已百有餘年現有田房廬

墓坐落丹徒境內且喬國英之伯祖喬琳于雍正八年歲試入丹徒縣學又喬國英之

父喬居體于乾隆二十四年由丹徒籍貢報捐從九品職銜移查原籍上元縣查無喬

國英親屬族房產坟墓亦無喬國英報考姓名則是原籍已無可歸與入籍之例相

符應如該府所議喬國英准其入籍丹徒考試至廩生張以懷因該府縣未查原籍恐有

跨考情事並無扶嫌索擾事屬因公亦應免議是否允協相應核議詳報并將奉發

抄案宗圖

抄呈

伏候

憲台鑒核批示飭遵除詳外

忤逆發遣案

甯看得金匱縣民錢來一首子錢忝升忤逆一案緣錢忝升即錢瑞林係錢來一之子好酒遊蕩不務正業屢經錢來一訓教不悛迨邀親族家法處治錢忝升反遷怒于親族均是懼不較乾隆五十八年二月二十日錢忝升自外回鄉已入醉鄉在家尋鬧錢來一將其斥責錢忝升輒出言挺撞錢來一欲向毆打錢忝升推落窓門而逸錢來一氣忿首縣懇求發遣差拘到案訊供通詳奉批飭甯縣據該縣訊擬詳解前來卑府提犯研鞫據將屢次違犯教令時醉頂撞推憲逆各情供認不諱究無別項不法情事似無適飾錢忝升即錢瑞林應如縣擬合依祖父父母呈首子孫懇求發遣者發烟瘴地方充軍到配杖一百折折責安置無干省釋是否允協云

監生史錫華呈首伊子史祥春觸犯案部覆

緣史祥春籍隸漂陽時常生事屢訓不悛史錫華曾欲稟究親屬等勸息悔過分居嘉慶二十三年史祥春之妻葛氏病故後復又游蕩酗酒伊父史錫華往向訓責史祥春時因酒醉出言撞頂經史錫華赴縣呈請發遣通詳飭審恭逢嘉慶二十四年正月初一日

恩詔飭批漂陽縣訊明犯父史錫華不愿將子領回提犯親鞠批供前情不諱究無另有觸忤情事史祥春合依父毆首子違犯即將被呈之子寔發烟瘴地方充軍到配杖一百折責安置事犯在嘉慶二十四年正月初一日

恩詔以前查訊犯父不愿領回毋庸查办相應咨達等目前來批以史祥春應如該撫所擬完結云

上控爭繼詳銷案

審看得何准印控何漢廷扛謀嗣業經差炙錢一案緣何准印胞叔何廷榮有子何連方病故無嗣議立何漢廷之孫何正具為連方之後迨後何廷榮身故何准印前赴殯殮欲將次子升即為連方立嗣致相爭抗控經前署縣陳全提訊未結何准印即具控

臬轅批送 憲台提卷核議詳奉飭縣訊詳卑職屢提未到何准印即控經差炙詐情詞後赴

撫轅呈控希圖箝准奉批前因卑職遵即勒提人証到案訊悉前情查何連方無後先繼何漢廷之孫何正與核與昭穆相當而何准印之子何升即亦屬應繼今憑族長何茂元等議明何正具何升即並繼與何連方為後所有何連方遺產各半均分及情允服以杜爭端何准印控詞失實究屬鄉愚無知且已概實供明應請免議經差訊無炙詐情事亦毋庸議是否允協合將訊斷緣由錄供具詳伏候

憲台鑒核轉詳銷案以清塵蹟實為公便

上控爭繼訊詳案

妣族衆王世珍王伯球等全供王蔣氏丈夫王嘉千身故無子王嘉千雖有胞兄王裕亭並未娶^妻飄流在外並無近宗可繼之人王蔣氏欲認麻夫兄王景倉之子為後王景倉雖生有三子一子已經出繼一子年幼患病且又與王蔣氏族有訟嫌故以不愿出繼^相小的族衆議將王蔣氏認麻夫兄王鳳超之三子現年三歲繼與王蔣氏為後既與昭穆當王蔣氏亦所喜悅故此王蔣氏邀同小的們赴案下具呈銷案的過後王蔣氏因不立嗣書恐王鳳超悔繼又兼家貧難度故又赴案翻控現經小的王世珍因念王蔣氏青年守寡貧苦無依勸令監生王伯球等給王蔣氏錢三百十文以為養膳之資又立合同嗣書呈求用印分給王蔣氏王鳳超收執以免翻悔王蔣氏情已輸服小的們都愿具結只求把案詳銷就是了

妣王蔣氏供小婦今年二十四歲丈夫王嘉千身故無後小婦情愿孀守丈夫胞兄王祐亭並

未娶完飄流在外未卜存亡近宗又無可繼之人小的欲立總麻夫兄王萬景倉之子
為後因王景倉不久故此赴 藩轅暨 撫轅先後呈控的後憑族長王世珍們議立
總麻夫兄王鳳超之第三子現年三歲為丈夫之後小的婦亦所喜悅當就赴案下當
堂具息的後因嗣書僅立草議恐怕王鳳超悔繼又小的婦上有邁姑家貧難度所以
又赴案翻控的今又憑族長王世珍勸令王伯保們幫給小的婦養膳錢三百千久又立
了合同嗣書呈請用印收執不能悔繼那繼子現尚乳哺要求仍交本生父母暫養俟
能行走再行抱領小的婦情已輸服不敢翻控情愿具結只求把案詳銷就沾恩了各
等供批以當將合同嗣書當堂核明用印發交王蔣氏王鳳超各執一紙為批以杜
日後別生異議除取各結附卷外 甯看得王蔣氏呈控王景倉指不繼嗣一案緣
王蔣氏之夫王嘉平身故無後其夫胞兄王裕亭又未授室飄流在外未卜存
亡近宗又無可繼之人王蔣氏欲立總麻夫兄王景蒼之子為後王景蒼雖生

三子一子久已出嗣一子有病是以不愿出繼以致王蔣氏先後赴

憲轅暨

撫轅呈控奉飭批審前任陳丞奉調入闈卸事未及訊詳卑職奉委署篆

飭差催提旋據族衆王世珍等議將總麻服之兄王鳳超三子為王蔣氏之後

同王蔣氏赴案具呈請息正在核詳間又據王蔣氏以不立嗣書慮其嫌繼後以

嗣命兩懸赴廳翻控當經卑職提集族衆人等逐一查訊備悉前情查王蔣氏

夫亡無後並無近宗可繼之人欲立總麻服王景蒼之子為嗣訊之王景蒼因

有訟嫌不愿出繼若強之使立斷難望其母子相安恐轉不足以慰孀婦之心惟念

該氏青年孀守情殊堪憐現經族衆王世珍等議立總服王鳳超之子為該氏之

後核與昭穆相當倫序不失又為該氏所喜悅立有合同嗣書堂當具結各執給

收執以杜日後別生異議且經族衆王伯休等目念該氏上有過姑又資助錢三百千